



قَالُوا عِنَّا

حقوق الطبع محفوظة ©

اسم الكتاب: قالوا عنها
تأليف: رانيا صلاح
تدقيق لغوي: كارم أحمد
تصميم داخلي: الباشا عبد الباسط
الناشر: دار الزيات للنشر والتوزيع
القطع: 21X14
سنة النشر: 2023

تم الإيداع بدار الكتب والوثائق المصرية برقم: 2022 / 25309

الترقيم الدولي (ISBN) : 2 - 359 - 844 - 977 - 978



دار الزيات للنشر والتوزيع

المشهرة قانوناً بسجل تجاري رقم/ 49351

ت: 01066736765 - 01015766014 / shahnda71@gmail.com



9 789778 443592

قالوا عنها

« شعر »

رانيا صلاح





إهداء

إلى قارئ الذي لمست حروفي شغاف قلبه





لم تعد هي منذ وقت طويل .. لم تعد تلك الطفلة تضوي ضحكتها كما
كانت تضوي من قبل .. فتاة لم تعد قادرة على التعرف ملامحها
المغطاة بغبار حياتها الصخبية المليئة بالفوضى .
فتاة عنيدة تحارب كي تبقى من أجل من يتكئون عليها .
تحاول أن تمزج إحساسها بحروفها بزجل
تتمنى أن يصل لقلوبكم ♥





وصفوني محاربة مغوارة

وصفوني محاربة مغوارة
رقيقة وطيبة لكن.. مليانة بقوة جبارة
جابرة بيها قلوب الناس
دارزق ربنا ليها مش اجتهاد ولا هو شطارة
بشوشة وطبعها هادي
ورغم كل نكد الناس
جواها واحدة فرفوشة
ودايماً رغم وحدتها تونس كل حبايبها
بنفس في قلبها راضية
ومش بالسوء دي أمانة
بتضحك ويأ نور الشمس
بعيون شقيّة مكارّة
وتغمض كل آخر يوم
تحلم بكرة يكون أحسن
ما فيهاش غير حبيها وبس
في دنيا فانية دوارة



انتَ اللي مخليني موجودة

انت اللي مخليني موجودة
وكل ما أقول حياة وتهيها
بكلمة منك أنت وبس
أحس إني يا دوب مولودة
بتهوّن وتداوي وتططب
روحي ليك دايمًا مشدودة
لغتنا يمكن مش واحدة
لكن دايمًا فاهمين بعض
علاقتنا صعب في يوم تسمى
عقدة في حبل متين معقودة
هفضل حاضر علشان خاطرك
بيك وليك، منك وعشانك
هحفر في الصخر وأكمل وأنجح
عنيده وعنادي ما حدش قده
وهفتح بيه طريقي المسدودة





زي قهوته المرّة
لكنه عاشقها بندوبها
عارف تفاصيلها بالمليّ
وبرغم إنه بيكابر
ويبعد أوقات كثير عني
بيرجع زي طفل عنيد
ساب في الزحمة إيد أمه
لمحها من بعيد صرّخ
ما تبعديش في يوم عني
بتوحشيني وبشتاق لك
روحي متشعبطة فيك
وروحك بحسها مني
بحبك بس مش قايل
عشان خوفي عليك أكبر
وأنّب نفسي واعاتبها
لو متضايقه وكأني

أنا المسؤول وأنا الشاكي

ودائمًا يجي يسألني

عن قلبي وعن حالي

بيحضن قلبي وبقوة

وعلي أيامي بيعيني





يا حنين

خليك كدا واوعى تبيّن
صّعفك قدام الناس
اجمد بالله بيقين
كمّل تعليمك اتعيّن
مش عيب إنك تغلط
ما حد فينا ملاك
عايشين علشان نتعلم
مش مطلوب أبداً منك
ترضي الناس، تتألم
ابهر نفسك كدا دايمًا
إنك عنيد ومعاfer
ما تقع بسهولة وقاوم
على طول تقوم وتكمل
بتطور على طول نفسك
في الحق قوي تتكلم
اوعاك في يوم تستقوى
على حد أضعف منك


اوعاك تظلم غيرك
في يوم يدعي عليك
تغلط في كبير أو تظلم
خليك دايمًا فاكر
فعلك راجع ومعلم
وأنا دايمًا هفضل جنبك
بحبك قوي وبساندك
لآخر لحظة في عمري
فخورة بيك وبقلبك



انت نبضة فرحة
بتدق جوا قلبي

انت نبضة فرحة بتدق جو قلبي
مهما أكون زعلانة منك..
جواي ليك في قلبي حين..
انت نقطة نور في صفحة ضلمة
متعصبين متترفين .. بعاد أو قريين
جوانا حزن أو فرحانين..
مجرد ما نهدي نمسك في بعض
أمان لبعض وبعض دايمًا متونسين..
إحساس غريب بيعشقتك مهما كنت أنت مين.





مهها وقعت برضه هقوم
مهها تعبت عمري ما أكون
يائسة منك أبدًا لحظة
يا رب بيك قوتي هتدوم
ثقتي فيك هيَّ القوة
اللي هضرب بيها عيون
مُناها تشوفني ضعيفة مكسورة
أبدًا كسري مش هيكون
أصلها أبدًا مش ساحة حرب
دا كل شيء نصيب مقسوم
بس فيه عقول تعبانة
محتاجة كدا تنام كام يوم
يمكن تصحى فايقة وتفهم
إن ربي عليَّ حنون
عمره يوم ما هيخذلني
دا ظني فيه من أول يوم

حبي ليه في قلبي كبير
ويقين بقوة يملا الكون





يا ترى هتحس لما تكبر!
بتعبي فيك يا واد يا سكر
هتحس قد إيه تعبت
جواي شايلاك ومعاك غُلبت
مش عارفة أنام على أي جنب
وجع كتير وخلاص تَقَلت
وفي عز تعبي ما بنام
قلق وخوف خلاص زهقت
على قد شوقي إني أشوفك
خايقة، حاسة إني اتحبست
هتجنني من قبل ما تحي
مش عارفة بيبك أشيل وأحط





إهداء إلى أخي
(رحمه الله)

إنسان جميل أتفاخر به
فخورة إن حياتي إليه
كفاية هيدخلني الجنة
به رضا ربي ورضا والديه
قويني يا رب أشيل أنا جملة
وخذ من روحي وعمري أدّيه
دا من جماله أنا واخدة جمالي
بيحيي في نور بعينه
ضحكته بتنور كل الدنيا
حبه في قلبي جوه مالية
حنانه علمني حاجات جواي
دا نعم كبيرة من ربي عليّ
حب الناس داليّ وليه
ولما بكون شاردة، حزينة
يبوس في إيديّ ويحضن فيّ
يمكن عاجز يتكلم أو يحكي

لكن في ملاحظه كل ما فيه
الناس ما تعرف إيه علاقتنا
ما يعرفوش إنه حياتي
وأبيع الدنيا وأشتره.



أجمل بنوثة واسمها هاجر

أجمل بنوتة واسمها هاجر
روح رقيقة من جوه وبره
جميلة جمال عليه مين قادر
مبسوطة إني أعرفها بجد
مليانة طيبة بقلب رقيق
مليان بالحب ونقي مش ماكر
مهما الدنيا شغلت فيَّ
قلبي داعي لها دايماً فاكر





لا تقترب مني

من يقترّب مني يحترق
لا تتنفس عشقي
من يتنفسه يحترق
لا تجعل روحك تراني
لن يُصيِّبها سوى الأرق
في عز احتياجي إليك
لا أُجيد سوى الهرب
أخشى عليك مني
أن أُحزن قلبك كالشفق
أن أرى حُبي بنَبْضِكَ
وطِيفي بروحك كالعبق
كم أحتاج إلى قُربك
لكنك أبعد ما يكون
ومهما اقتربتَ إليَّ
فبُعدي عنكَ كالأفق
ولكي تصل إلى نبضي

عَلَيْكَ تَسَلَّقُ الْعُقَدُ
وَلَمْ تَتَحْمَلْنِي
لَنْ يَأْتِي مِنِّي سِوَى التَّعَبِ
اقْتَرِبْ .. ابْتَعُدْ .. سَتَحْتَرِقُ



اوعاك تفلق

قلقان من إيه رزقك مكتوب
في حياتك كل شيء محسوب
هتخلف أو تتجاوز مين
هتكون مكروه أو محبوب
هتكون بار بأبوك وبأمك
تفكيرك عاقل أو مجذوب
او عى تقلق لحظة في عمرك
دا لسه بكرة جاي يا دوب
اتفائل واوع تبطل تضحك
ربي وربك رب قلوب
ومهما تقع قُم من تاني
ظُن خير وامشِ دروب





خبيني منك فيك

مش عارفة أروح ولا آجي
طمني أرجوك بيبك
جواي طفلة أنا خايفة
بتجري هنا وهناك
أمانها دايمًا ضايع
أمانها جوّه عينيك
أرجوك ما تسيبهاش
ما صدّقت تلاقيك
مِ الناس كلها دي بتهرب
وبتجري بس عليك
استحمل خوفها، جنونها
دول مهما قالوا قوية
لا ليها بيت غير حضنك
ولا ليها روح غير بيبك.



ولحد إمتى هتفضلي

يا قلوبنا موجوعة

ولحد إمتى هتفضلي
يا قلوبنا موجهة
بتطبيبي في خاطر الناس
وخاطرك كل يوم ينداس
ونفسك راضية وقنوعة
وتقولي كل يوم بكرة
هيبقى أحلى وأحلى في حياتنا
برواز لصورة مطبوعة
مرسوم بالأمل فرحان وحزين
بيضحك رغم جوع روحه
لكلمة حنينة تعينه
ويشتهي حروف حلوة
تطلّع ضحكة من قلبه
تكون بطريقة مشروعة





زعايب یناير

شادد حيلك علينا كدا ليه
مالك يا يناير جرى لك إيه
زعابيب وهوا ويرق ورعد
مش قلت هبقى لطيف ودا وعد
حرام عليك يا خي هنطير
كفاية الجبس في رجلي تقيل
لا عارفة أقف
ولا عارفة أمشي
ولا أحضر شاي ويا فطير
ولا عارفة أشيل الواد زعبلة
متكتكة والوضع خطير
لابسة دولابي وهتجمد برضه
شرايين زعبوط
وجوانتي بعرضه
أعمل إيه تاني معاك
هتجمدنا خلاص ويَّاك

أمّال لو كنا يا عيني في طوبة
دا احنا لسه يا دوب في كياك
يا رب تهدا علينا شوية
قلبي لربك وحده شكاك.





إحساسي بيك


إحساسي بيك أكبر من إني أوصفه
إحساسي بيك مليون حنين
إحساس بيكبر جوّه مني
لبكرة أحلى عنوانه أنت
جواه أمل وشوق وحيرة
مش عارفه إزاي هيبتي
ولا عارفة هيو ديني فين
مش هنكر إني خايقة منه
لكني به عمري ابتدا
واتولدت أنا من جديد
مسلمه وبقول آمين
وبقول يا رب أنا ظانّة خير
إحساسي بيك مستغرابه
يا روح بتديني الحياة
يا عمري وسنيني اللي جاية
طلعت لي إزاي، منين!



اللي بينا عشرة

ما وجعتنيش أبدًا فيها
قل لي أنساك إزاي
ودموعي دي إزاي أداريها
حتى لو مش بينا سنين
أيامي الحلوة كانت فيها
عرفت بيك إن الدنيا
جميلة وأنت مخبيها
زي ما مخبيني جواك
وبقلبك روعي مغطيها
مجنون والله ومغلبني
حبيبي وابني وأخويا وصاحبي
ومهما قسيت واتجنت
صابرة عليك وبعديها





أنت برضه تاني يعني
يا بناير اصح قُم واسمعني
كفاية صقعة أبوس رجلك
جسمي اتكسر كله واجعني
أعمل تاني بس إيه
بكل البطاطين متغطية
زعبوط دايمًا لابساه على راسي
جوانتي في إيدي ورقبتي كوفية
وكل ما يجي إسلام من برّا
يلاقيني لابسة شرابه في رجليّ
يضحك كدا قوام ويقول لي
شراي دا؟! يا عيني عليّ
هغطي راسي وأدعي عليك
يا بناير كدا تعمل فيّ
حتى ابني خلاص اتجنّ
رايح جاي كدا بيون

بِطَرَحِي عَمَالَ يَدَفًا
فِي دِيَلِي دَائِمًا لَازِقٌ فِيَّ
يَا يَنَائِرِ اهِدَا وَنَبِي حَبَّةَ
وَهْدِيَّكَ بوسَةَ وَفوقِهَا عِينِيَّ





فاضي شوية

فاضي شوية تططب عليّ .
تضمنني من سُكات،
تُجبرُ بخاطري الي اتكسر ..
من دموع مالية عينيّ ..
من وجع في روحي قايم
خبيني من كل حد
بُس راسي قل لي حقك عليّ
ما تزعلش .. زعلك دا غالي
أنا بحبك
دا الحب عمره ما كان أناني
ولو بكيت لحظة مني ..
سامحيني ما أقدرش أعيش
لحظة من غير دعائك
دا أنا أبداً غيرك ما ليش
حياتي هيّ دعائك ليّ
ضُمني، التحمّل بُكايّ

خليني أهدا بين ضلوعك
خليك رقيق وقوي وصبور
خليك بس حبة معاي
مش عايزة حاجة بجد تانية
طمّني حاسة إني خايفة
مش عارفة أبقى كويسة
لكني بيك هبقى قويّة





بوعدك

وعد مني لو رجعت مش هجبك

وعد مني مش هتسمع مني عهد

مش هوذك

ولا هقول لك إيه اللي بيَّ

ولا هشدك

ولما أحس نفسي منك

هبعذك وأبعد بعبيد

هسيبك براحتك تفرق

تنفد بجلدك..

يمكن في بُعدي تقدر تعيش

ما دام حبي ليك بيخنقك

وبرغم كل قوتك بتخاف تقرب

وتحس حالك قدام عينيَّ طفل ضعيف

هبيتك قصاد الناس بحالها

وباحترام بيخافوا منك

إلا أنا مطمئة لك

بجري عليك ومشدودة لك
حسّاك غطا بيدّي وحنين
مـ الكون بحاله مرتاحة لك
مش عارفة إيه الحل فيك
كل ما أصحي ألاقك معاي
تاني يوم قوام بتهرب





أنت حالة من الجنون
معاك بحس إني حرة... ومعاك بكون.
فراشة طائيرة ملونة.. وسط الغيوم
بتروح هنا وبتروح هناك
جواها روح بتحبها
جواها ألف لون ولون
بتلون بيهم ابتسامتك
وتمحي من جواك شجون
أنت بتنور حياتي
بنور أبيض زي قلبك
دا جمال عينيك يمحي الهموم
مجنونة أيوا حبيبي بيك
ومهما بعدت عني ببقى
عارفة إني عليك ما أهون





ولأن مش معنى الوقوع إني انتهيت ..
ولأني مش بسهولة هموت ..
معني السقوط أوقات إني ابتديت
قصة جديدة مهما كانت متعبة
في دنيا ناسها وحشة .. مش مترتبة
لكن روعي هتفضل قوية
رغم إني أوقات ضعيفة
كل ما أقع من تاني هقوم
مش سهل أقبل أنهم
ويا حزن حق في لا مالكش
مهما اشتكيت
هفضل أعافر
ومهما الناس اتلونوا
بألف لون وألف وش
هفضل أنا واحدة وبس
والقصة لسه ما انتهتس ..






وقالوا عنها

واللي قالوا عنها زمان
ما عندها اش دم وكرامة
سبوها بكره تختفي
وشتموا فيها بابتسامة
بقي ليها شأن، بقت مهمة
وردها كان نجاحها
ووقوفها من تاني بجدارة
هتيجوا أنتو إيه جنبها
القمر مش زي النجوم
هي أعلي وعنده غير
أكبر من حبه حُثالة
لِسِه باقية أثرها فيه
روحها عايشة فيه بأمانة
ومهما عدى سنين كتير
كل يوم يدور عليها
بيلاقيها جوا قلبه

وبرغم البعد الكبير
وغيرها كل يوم يشوف
عمره ما يلقى زي روحها
عشرته هي وكرامته
عمر راح وله كماله






أنتِ حاجة من غيرها عمري ما يتديش
أنتِ فرحة روعي
ستري وغطاي وغيرك ما ليش
أنتِ أمي وبتتي، أختي
أنتِ رحمة ربنا
أنتِ لما الروح بتبكي
بتحسِّي بيها، بهمنا
أبوس إيديك وراسك
وأقعد تحت رجلك
أنتِ الوحيدة وبعذك مفيش
ما ليش غيرك معاي
قوتي وقوتِي
عكازي وبسند عليه
من غيره أنا ما أعرفش أعيش
لما بتقعي بقومك
وادِّيك من روعي لروحك

وأكون جيشك وقوتك
أنتِ بس تؤمريني
لما تنادي ما أقدر ما أجيش
شلتيني ياما في محنتي
في ضعفي قبل قوتي
وفي حزني كنتِ فرحتي
إزاي أقول ما شلتنيش
يا أمي مهها أقول عليكِ
عمري يوم ما هوصفك
مش بس مملكة بشعر أشقر
جمالك دا ما يتحكيش
مش عايزة أنا غير ضحكتك
عني رضاكِ بدنيتك
والي يمسك لو بحرف
عمره ده ما يكفينيش





عارف مشكلتي إيه؟
إني بحب أبص لك
بحب أبص لعينيك
وشعرك المنكوش
وأحس إنك باصص لي
روحني بتحن لك
بحب أشوف ملامحك
حتى وأنت حزين
أو متعصب شوية
دايمًا بتكون رزين
آه بحبك لكن
عمري ما قلت لك
رغم إن الكسوف
بيبقى كله فيَّ
بحب نظرتك
وأنت بتبص ليَّ


وعينيك مليانة حب
بهر ب منها بعينيَّ
وأبص في أي حتة
وأهمس جواي بس
يا عمري اشتقت لك
أنت بجد جميل
راجل بروح قوية
أنت مش أي حد
جواي طوق نجاة
حلم بعيد عليَّ
حتى من غير ما تعرف
هتفضل جواي دَعوة
من قلبي يحفظك



صباحي أنت وموطني

صباحي أنت وموطني
قمر بليلي مُنجلٍ
دفع لبرودتي
أنتَ أمانِي ومَأْمَنِي
غِيَابُكَ يُضْعِفُ شَغْفِي
يُضْعِفُ رُوحِي وَمَسْكَنِي
قربك مني حياة
وبُعدُكَ عني مقتلي





بجك

هو: أنا بحبك .
هي: بتكلمني أنا؟
هو: مفيش غيرك .
هي: في ناس كتير .
هو: ما ليش غيرك .
هي: إيشمعنى أنا .
هو: زي أمي .. حنينة .
هي: بس أنا بتكسف .
هو: بحب خجلك .
هي: بس أنا مجنونة .
هو: أجن منك .
هي: ساعات ببقى غبية .
هو: هفهمك .
هي: مريضة ب...
هو: ما يهنيش .
هي: هتقدر وترضى؟

هي: ولو رفضتُ.

هو: هموتك 😂





في وقوعي دائماً ترفعوني
فخورة إني بقول صحابي
على طول في ضهري تسندوني
وكل ما أتوه عن ديني
تشدوا أيدي وترشدوني
رزق أنت من ربنا
وأنتِ وأنتِ وأنتِ وأنتِ
في روحي روح وفي عيوني
دائماً بتكونوا قوتي
في عز ضعفي وفي جنوني
عقلي أنتم وحكمتي
بنتخانق أوقات ونبعد
وأول ما أتعب تلحقوني
هقول إيه أنا ولا إيه
ذكريات عمر بحاله
عمر راح وعمر جي

أنتم فيه بتكملوني
يا صُحبتِي في سنين حياتِي
بحلوها ومرها
إزاي نغيب عن بعضنا
خليكوا جنبي ونسوني
لما الدنيا بتبقي ضلمة
حبكم بيكون لي نور
من غيركم عمري ما أكون أنا
ويوم ما أمشي من الدنيا دي
خلوني دايماً معاكم
ما تنسونيش ودايماً زوروني





بتوحشني وبحن لك
ما أعرفش ليه بفكر فيك
ما أعرفش ليه اشتقت لك
لما أقرا حروفك ليّ بسرح
وأبقى عايزاك تكتب كثير
وأحس حرفك إنه مسرح
بقلوب بتضحك زي قلبك
مليان طيبة وحب كبير
بقول يا ترى دا هو مين؟
وكان بينا عشرة طويلة
أيام كثير وكمان سنين
استغربت لما عرفت
إنك بعيد وكمان مسافر
من كتر قربك كنت حاسة
إنك هنا في شارع مجاور
لو حدي كدا ارتحت لك

من غير أي مقدمات
إحساس حيًا بعد ما كان
في قلب تايه كان نبضه مات
وأمل في بكرة شم نفسه
أتمنى إنه ما يبقى أبدًا
في يوم ماضي وذكريات
وأبدأ معاك حياة جديدة
مليانة بيبك أنت وبس
دا أنت امبارح كمان وبكرة
شمسي وقمري وكل الحاجات.





داخلين عليَّ شهر نوفمبر
وحضر تك لسه بتتصر مح
نفسى أفهم فينك
سايب بتوع الصيف
طايجين فينا وبتفرح
واحنا مكتئبين
جَنَابك مستنيين
دا أنت ثلاث شهور
انجز يا ابني اتلحاح
طب لبس الشتا دا مين
والبالطو والشمسية
جبت البوت أنا ليه
قل لي هلبسه إمتى
وأدِّي بيه رجليَّ
طب الجوانتي طيب
ألبيه حتى شوية

عمالة أدلع فيك
أحايلك يمين وشمال
حبة أقول يا حبيبي
بعشقتك في دلال
حبة أستناك و حبة أنادي عليك
كتبت لك موال
وما في فايده فيك
جبله ولا بتحس
بتقول وما بتجيش
زهقت من دا الحال
بس الذوق مش نافع
شكلي كده راح أزعق
أيامك زرقا معاي
وإن محتش قريب
هكهربك صدقني
ورجلك دي هتتعلق 😊



عينك مدينة أحلامي

ببريق يُنير ليلِيَّ، قمري وشمسي وأيامي .
براءة يا عمري تُكَبِّلُنِي
أصبحت أسيرة لِدِفْتِك، وأهاب عليك فُقداني .
فَضَمَّةٌ منك تُداويني وضحكة تُشعل أُمالي .
تُحيي شغفًا فاقداً وطناً، تمحو رعباً يتملك وجداني .
روحي في حَضرة روحِكَ طفلة تُتَاجِرُ حبيبي أمني وأماني .
عَيْنٌ بُنِيَّةٌ تُصَيِّبُنِي سِهَامُهَا فِي حُبٍ وَعَشَقٍ مِنْهُ أَعَانِي .
وَجَنَّةٌ أَدَمْتِ أُقْبَلُهَا، أَدَاعِبُهَا بِقَلْبِي وَبِكِيَانِي .
مَلامح تبتسم لها ملامحي، قَسَمَاتٌ تُشَبِّهُنِي بِقَلِيلٍ .. بِعَقْلِي وَجَنُونِي
وهذياني .
فلا أملك عين القمر ولا روح الشمس مثلك ولا أحظى بياض
السحاب واتساع سمائي .
لكني أملك لك وعدًا ما حييت سأظل جِيَشِكَ، سَنَدَكَ وَطَنَكَ يَا
غالي .

ابني ♥





أنتِ قادرة أنك تخلي قلبي يضحك
أنتِ وردة عيرها فايح
كل يوم بلون تفتح
بلون يخلي بكرة أجمل
أخضر، أزرق، أحمر، أصفر
وكل لون يبقي أفتح
لما تيجي بتحضيني
تضميني ليك وتناديني
بحب حضنك وابتسامتك
بحس إن الكون بيفرح
والبلابل نازلة غنا
بصوت رقيق لقلبي يشرح
بحس إن الضلمة نور
زي حروف اسمك حبيتي
دا أنا من بعيد لما بشوفك
وشي بيبتسم وبفرح



حقيقة أم خيال؟

من أنت يا من أراك في أحلامي
كطيف رقيق يحتضن أيامي
أحب رؤية عينيك
هل أنت حقيقة أم خيال
هل يوماً سأراك أمامي
كم تمنيت أن لا أصحو
أحتاج إلى روحك لتؤانسني
أظل معك وأشعر بكياني
أحتاج لكنتفك أبكي عليه
أحتاج إليك فأفتقد أمانني
أرجوك لا تقسو مثلهم علىَّ
لا أريد سوى حبك
افهم عقلي، احتوِ آلامي
فكل ما أملك ملك لك
روحي، نبضي، همسة بوجداني

أشعر بالمرض كن لي الدواء
وبالرحيل أدعو فحطم هذياني
أشعر بوحدة تمزقني
أشعر بالغرابة فكن لي أوطاني



کن لی وطناً

كن لي وطنًا
أتعافى بك من وحشة أيامي
فكُن أنيسي بوحدتي
فكُن لغربتني أوطاني
كن لي حبيبًا بروح أبي
أخًا وصديقًا بكل أزماني
لم تكن يومًا لي عابرًا
فأنت لي حياة وعُمر
جئت إليَّ وأصبحت كياني





همسة اشتياق

أنا قلبي مش بيضحك إلا بيك
على طول قلقان وساعات حزين
ما بيظمنش غير بوجودك
وأنت ضمة بين إيديك
قل لي طيب أعمل إيه
وأنت غايب عني ليه
قل لي أجيب منين عينيك
ارجع بقى كفاية بعاد
كفاياك جفا، كفاية عناد
وحشني صوتك ويا شكلك
وحشني لما تقول وحشتك
كل يوم مش معاي
طويل أوي ومش بيخلص
كل يوم أندھك
لو شفنتني وأنت غايب
أكيد أنا هصعب عليك





صديقتي الغائبة

مفتقدكِ

وكانك لما مشيتِ راحت أيامي

وأخذتِ سنين عمري معاكِ

بيوحشني ضحكنا وبالساعات رغينا

وجودك لما بكون لو حدي

وتقولي لي أنا هنا

لما كنتِ بتسنديني

أتحبّأ فيكِ لما أخاف

يا صديقتي الغاية عني

بتوحشيني

لو عينيكِ شافت كلامي

اعرفي إني بحبك

وبرغم كل حاجة حصلت

قلبي داعي لك مش ناسي ودك

لكني عمري ما أكون ثقيلة

وأفرض وجودي جنب منك.





وصفك حبيبي

لو كان بوذي أوصفك
هقول عليك أبويا وابني
عارف غالي قد إيه
قد الشتا والبحر عندي
حسيت في لحظة إني منك
وبعد ما كنت كثير بخاف
رميت خو في وطمّنته إنك
هتبدله بغطا وأمان
قعدت كثير كلمته عنك
قلت له عليك حبيبي
طيب، وقور، ملاك كأنك
طفل لو شافني يبيتسم
مهها كان م العمر سنّك



فَهْرِسْتَان

- 5 إهداء
- 6 المقدمة
- 7 وصفوني محاربة مغوارة
- 9 أنت اللي مخليني موجودة
- 11 وأدمني
- 15 يا حنين
- 19 أنت نبضة فرحة بتدق جوا قلبي
- 21 حب كبير
- 25 يوميات مامي
- 27 إهداء إلى أخي (رحمه الله)
- 31 أجمل بنوته واسمها هاجر
- 33 لا تقرب مني
- 37 اوعاك تقلق
- 39 خبيني منك فيك

- 41 ولحد إمتى هتفضلني يا قلوبنا موجوعة
- 43 زعابيب يناير
- 47 إحساسي بيك
- 49 اللي بيناً عشرة
- 51 زعابيب يناير «2»
- 55 فاضي شوية
- 59 بوعدك
- 63 حالة من الجنون
- 65 القصة لسه ما انتهتس
- 67 وقالوا عنها
- 71 أمي ♥
- 75 حلم بعيد
- 79 صباحي أنت وموطني
- 81 بحبك
- 85 أجمل صحاب
- 89 نبض قلبي
- 93 يا سيدي رِق عليّ

- 97 عيناك مدينة أحلامي
- 99 نور
- 101 حقيقة أم خيال؟
- 105 كن لي وطنًا
- 107 همسة اشتياق
- 109 صديقتي الغائبة
- 111 وصفك حبيبي



